



Broj: 09/2-16-8-36807-16/24
Sarajevo, 16.12. - 2024. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24), te prijedloga Komisije za javne nabavke utvrđenog u Zapisniku, broj: JN1-16-8-36807-15/24 od 03.12.2024. godine, u postupku nabavke usluga servisiranja i održavanja službenih vozila Ministarstva inostranih poslova BiH marke Volkswagen i Škoda – LOT-3 i LOT-4, **donosim:**

ODLUKU **o izboru najpovoljnijeg ponuđača**

Ponuđač „Unitrade“ d.o.o. Mostar sa ponudama zaprimljenim kod ugovornog organa dana, 14.11.2024. godine pod brojem: 09/2-16-8-36807-3/24 i 09/2-16-8-36807-4/24, proglašava se najpovoljnijim, te se imenovanom ponuđaču dodjeljuje ugovor za nabavku usluga servisiranja i održavanja službenih vozila Ministarstva inostranih poslova BiH marke Volkswagen i Škoda– LOT-3 i LOT-4.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14, 59/22 i 50/24).

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09/2-16-8-36807-1/24 od 22.10.2024. godine, u kojoj je predviđeno da procijenjena vrijednost nabavke iznosi 10.000,00 KM bez PDV-a za LOT-3 i 21.000,00 KM bez PDV-a za LOT-4.

Obavještenje o nabavci broj: 253-1-1-34-3-61/24, objavljeno je na Portalu javnih nabavki dana, 28.10.2024. godine, kao i u „Službenom glasniku BiH“, broj: 73/24 od 01.11.2024. godine.

Nabavka je provedena putem otvorenog postupka i istom je predviđeno provođenje e-Aukcije.

Komisija je Zapisnikom o pregledu i ocijeni ponuda u postupku nabavke usluga servisiranja i održavanja službenih vozila Ministarstva inostranih poslova BiH marke Volkswagen i Škoda – LOT-3 i LOT-4, broj: JN1-16-8-36807-15/24 od 03.12.2024. godine, konstatovala da su do roka prijema ponuda, 18.11.2024. godine, pristigle ponude sljedećih ponuđača:

1. „Unitrade“ d.o.o. Mostar, dana 14.11.2024. godine u 10:20, odnosno 10:21 čas, sa ukupnom cijenom ponude u iznosu od 6.461,80 KM, odnosno u iznosu od 5.522,91 KM bez PDV-a za LOT-3, dok za LOT-4 ukupna cijena ponude je iznosila 14.183,40 KM, odnosno 12.122,56 KM bez PDV-a i
2. „Porsche Inter Auto BH“ d.o.o. Sarajevo, dana 18.11.2024. godine u 08:50 časova, sa ukupnom cijenom ponude u iznosu od 10.138,94 KM, odnosno u iznosu od 8.665,76 KM bez PDV-a za LOT-3, dok za LOT-4 ukupna cijena ponude je iznosila 21.114,73 KM, odnosno 18.046,78 KM bez PDV-a.

Nije bilo neblagovremeno pristiglih ponuda.

Analizom dokumentacije pristiglih ponuda za LOT-3 i LOT-4, te suštinskom provjerom sadržaja i validnosti istih, Komisija je utvrdila da navedene ponude ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Komisija je u skladu sa tačkom 7.5 tenderske dokumentacije, izvršila provjeru računске ispravnosti pristiglih ponuda i utvrdila da iste nemaju računskih grešaka.

Komisija je nakon sačinjavanja Zapisnika sa otvaranja ponuda, broj: JN1-16-8-36807-8/24 i JN1-16-8-36807-9/24 oba od 18.11.2024. godine, uočila da su ponude za LOT-3 i LOT-4 ponuđača „Unitrade“ d.o.o. Mostar prvoplasirane i da iste prema tački 7.4.3. tenderske dokumentacije, imaju neprirodno nisku cijenu u odnosu na ponude drugog ponuđača.

U skladu sa navedenim, Komisija je postupajući po članu 66. Zakona o javnim nabavkama i članu 17. stav (7) i (8) Upustva za pripremu modela tenderske dokumentacije i ponuda, dopisom broj: JN1-16-8-36807-10/24 od 20.11.2024. godine, od prvoplasiranog ponuđača „Unitrade“ d.o.o. Mostar zatražila pojašnjenje neprirodno niske cijene.

Dana, 26.11.2024. godine, Ministarstvo inostranih poslova BiH je pravovremeno zaprimilo pojašnjenje neprirodno niske cijene za LOT-3 i LOT-4 od strane ponuđača „Unitrade“ d.o.o. Mostar, koje Komisija jednoglasno prihvata i smatrala da je isto osnovano i obrazloženo u skladu sa članom 66. stav (2) Zakona o javnim nabavkama („Službeni glasnik BiH“, br. 39/14, 59/22 i 50/24).

Na osnovu prethodno navedenog, a u skladu sa tačkom 3.6.1. tenderske dokumentacije, kojom je utvrđen kriterij za dodijelu ugovora „najniža cijena“, Komisija je na sastanu održanom 28.11.2024. godine, konstatovala da su se za proceduru provođenja e-Aukcije kvalifikovali sljedeći ponuđači:

1. „Unitrade“ d.o.o. Mostar, sa ukupnom cijenom ponude u iznosu od 5.522,91 KM bez PDV-a za LOT-3, odnosno 12.122,56 KM bez PDV-a za LOT-4 i
2. „Porsche Inter Auto BH“ d.o.o. Sarajevo, sa ukupnom cijenom ponude u iznosu od 8.665,76 KM bez PDV-a za LOT-3, odnosno 18.046,78 KM bez PDV-a za LOT-4.

i da je iste potrebno pozvati na učešće u e-Aukciji.

Nakon završene e-Aukcije koja je održana dana, 02.12.2024. godine u 10:00 časova za LOT-3, odnosno 11:00 časova za LOT-4, a na osnovu Izvještaja o toku i završetku e-Aukcije, Komisija konstatuje da kvalifikovani ponuđači nisu učestvovali na e-Aukciji ni za jedan LOT i da su isti zadržali prvobitno ponuđene ukupne cijene ponuda za oba LOT-a. S tim u vezi, konačna rang lista ponuđača je sljedeća:

1. „Unitrade“ d.o.o. Mostar, sa ukupnom cijenom ponude u iznosu od 5.522,91 KM bez PDV-a za LOT-3, odnosno 12.122,56 KM bez PDV-a za LOT-4 i
2. „Porsche Inter Auto BH“ d.o.o. Sarajevo, sa ukupnom cijenom ponude u iznosu od 8.665,76 KM bez PDV-a za LOT-3, odnosno 18.046,78 KM bez PDV-a za LOT-4.

Na osnovu prethodnih konstatacija, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se Odluka o izboru najpovoljnijeg ponuđača za nabavku usluga servisiranja službenih vozila marke Volkswagen i Škoda – LOT-3 i LOT-4 dodijeli **ponuđaču „Unitrade“ d.o.o. Mostar sa ukupnom cijenom ponude u iznosu od 5.522,91 KM bez PDV-a za LOT-3 i 12.122,56 KM bez PDV-a za LOT-4.**

Cijeneći navedeno donesena je odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Ponuđačima,
2. Odsjeku za opšte poslove, arhiv i dokumentaciju i
3. Evidenciji a/a.



MINISTAR

Elmedin Konaković

Handwritten signature of Elmedin Konaković

